


DE MOTU  
CORPORUM

rentes in  $D$  &  $E$ ,  $F$  &  $G$ ; sintque  $PCM$ ,  $HLN$  superficies sphæroidum duarum interiorum, exteriori similium & concentricarum, quarum prior transeat per corpus  $P$ , & secet rectas  $DE$  &  $FG$  in  $B$  &  $C$ , posterior secet easdem rectas in  $H$ ,  $I$  &  $K$ ,  $L$ . Habeant hinc inde intercepta  $DP$  &  $BE$ ,  $FP$  &  $CG$ ,  $DH$  &  $IE$ ,  $FK$  &  $LG$  sibi mutuo æquales; propterea quod rectæ  $DE$ ,  $PB$  &  $HI$  bisecantur in eodem puncto, ut & rectæ  $FG$ ,  $PC$  &  $KL$ . Concipe jam  $DPF$ ,  $EPG$  designare conos oppositos, angulis verticalibus  $DPF$ ,  $EPG$  infinite parvis descriptos, & lineas etiam  $DH$ ,  $EI$  infinite parvas esse; & conorum particula sphæroidum superficiebus abscissæ  $DHKF$ ,  $GLIE$ , ob æqualitatem linearum  $DH$ ,  $EI$ , erunt ad invicem ut quadrata distantiarum suarum a corpufculo  $P$ , & propterea corpufculum illud æqualiter trahent. Et pari ratione, si superficiebus sphæroidum innumerarum similium concentricarum & axem communem habentium dividantur spatia  $DPF$ ,  $EGCB$  in particulas, hæ omnes utrinque æqualiter trahent corpus  $P$  in partes contrarias. Æquales igitur sunt vires coni  $DPF$  & segmenti conici  $EGCB$ , & per contrarietatem se mutuo destruant. Et par est ratio virium materiæ omnis extra sphæroidem intimam  $PCBM$ . Trahitur igitur corpus  $P$  a sola sphæroide intima  $PCBM$ , & propterea (per corol. 3. prop. LXXI.) attractio ejus est ad vim, qua corpus  $A$  trahitur a sphæroide tota  $AGOD$ , ut distantia  $PS$  ad distantiam  $AS$ . Q. E. D.



## PROPOSITIO XCII. PROBLEMA XLVI

*Dato corpore attractivo, invenire rationem decrementi virium centripetarum in ejus puncta singula tendentium.*

E corpore dato formanda est sphæra vel cylindrus aliave figura regularis, cujus lex attractionis, cuius decrementi rationi congruens (per prop. LXXX, LXXXI. & xc.) inveniri potest. Dein factis experimentis inveniendæ est vis attractionis in diversis distantis, & lex attractionis

LIBER  
PRIMUS.

attractionis in totum inde patefacta dabit rationem decrementi virium partium singularum, quam invenire oportuit.

## PROPOSITIO XCIII. THEOREMA XLVII.

*Si solidum ex una parte planum, ex reliquis autem partibus infinitum, constet ex particulis æqualibus æqualiter attractivis, quarum vires in recessu a solido decrescunt in ratione potestatis cujusvis distantiarum plusquam quadratice, & vis solidi totius corpufculum ad utramvis plani partem constitutum trahatur: dico quod solidi vis illa attractiva, in recessu ab ejus superficie plana, decrescet in ratione potestatis, cujus latus est distantia corpufculi a plano, & index ternario minor quam index potestatis distantiarum.*

Cas. 1. Sit  $GLI$  planum quo solidum terminatur. Jaceat solidum autem ex parte plani hujus versus  $I$ , inque plana innumera  $mHM$ ,  $nIN$ ,  $oKO$ , &c. ipsi  $GL$  parallela resolvatur. Et primo collocetur corpus attractum  $C$  extra solidum. Agatur autem  $CGHI$  planis illis innumeris perpendicularis, & decrescant vires attractivæ punctorum solidi in ratione potestatis distantiarum, cujus index sit numerus ternario non minor. Ergo (per corol. 3. prop. xc.) vis, qua planum quodvis  $mHM$  trahit punctum  $C$ , est reciproce ut  $CH^{n-2}$ . In plano  $mHM$  capiatur longitudo  $HM$  ipsi  $CH^{n-2}$  reciproce proportionalis, & erit vis illa ut  $HM$ . Similiter in planis singulis  $IGL$ ,  $nIN$ ,  $oKO$ , &c. capiantur longitudines  $GL$ ,  $IN$ ,  $KO$ , &c. ipsis  $CG^{n-2}$ ,  $CI^{n-2}$ ,  $CK^{n-2}$ , &c. reciproce proportionales; & vires planorum eorundem erunt ut longitudines capte, ideoque summa virium ut summa longitudinum, hoc est, vis solidi totius ut area

F f 2

GLOK

